

Befindet sichs aber / daß das Oberbret ferner zu andern zeiten / vnd an andern Orten / vermittels des Hangforschers Sonnenschattens / also lang auff dem Ligforscher oder Scheibe hin vnd her / biß abermal des Oberbrets schatte mit des Hangforschers schatten vber ein stimmete / gerucket / vñ also / Exempelsweiß zu sehen / daß das Linial vermelter ursach / ißo auff dem 12. Grad / so wol des Winkels D B, als des Winkels C A vberschneidend / die Sudlini oder seite aber / (welches dann als nachmähliger erinnerung allemal in acht zu haben) noch vor / oder gegen der forder seite / herfür gucket oder gesehen würde / so sage / dieses sey wol ein gegen Mittag stehender / aber nit strack zu / sondern so viel Grad / als das Linial auff besagtem 12. gradus in denen beyden gemelten Quadranten befunden / vom Mittag ins Westen abweichender Ort.

Dritte Ordnung.

So es sich aber zutrüge / daß das Oberbret sampt dem Linial / in den andern beyden Winkeln / als A D vnd C B, jedoch eben auch auff dem 12. Grad / vnd dann in gleichem die Sudlini oder seite a B, vor der forder seite des Oberbrets herfür oder heraußer käme / so weicht ein solcher Ort so viel gradus, als nemlich 12. Grad vom Mittag ins Ost oder gegen Aufgang / welche ordnung dann so lang geschieht / als nemlich die forder seite des Oberbrets sich nicht von der Lini a B, das ist / von der Sud seite / abkehret / das ist / so lang sich die Sudlini nicht vnter des Oberbrets Linial verleuret / welches dann nicht geschehen mag / ob auch schon die vberschneidung des Oberbrets auff den 59. Grad vnd 50. Minuten beschehe / besondern es kan diese erforschung dero von Mittag ins Osten oder Westen abweichungen / also lang biß vber den 59. Grad vnd neun vnd funffzig vnd ein halbe Minuten geschehen / also lang / geschieht es (damit du es wol verstehest) daß die Sudlini vnd forder seite des Oberbrets sich noch mit einander vereinigen / vnd so lang solche vereinigung geschieht / nemlich mit der forder seite vnd Sudlini / oder Lini a B, also lang vnd viel mögen solche erforschungen (nit der Minacht oder Norden

Vierde Ordnung.